
Title	Pantang larang [1]
Author(s)	Muhammad Ariff bin Ahmad

Copyright © 1997 Muhammad Ariff bin Ahmad

PANTANG LARANG 1 **sebelum upacara pernikahan.**

- **hendak merisik/meminang:**

(1) *Apabila sudah keluar dari rumah henda merisik mesti jalan terus; pantang berpatah balik.*

Kononnya: jika berpatah balik urusan merisik akan menemui banyak halangan; banyak sangkak dan banyak masalah yang akan membawa kegagalan; menyebabkan urusan merisik harus ditangguhkan atau ditimbangkan semula.

:□soal:

1. Orang hendak merisik *pantang berpatah balik* apabila ia sudah keluar dari rumah mengapa?
2. Apakah pendapat anda mengenai kepercayaan itu?

(2) *Jika dalam perjalanan hendak pergi merisik atau meminang mereka terserempak dengan ular sedang melintas jalan; pantang ular itu dipengapakan.*

Kononnya: ular itu adalah penjelmaan jin yang memberi alamat - jika ia melintas dari kiri ke kanan adalah alamat baik, perjalanan boleh diteruskan; jika ia melintas dari kanan ke kiri memberi alamat bahawa kejayaan maksud mereka akan melalui *jalan panjang* - urusannya berulang-alik.

□soal:

1. Orang percaya *ular itu penjelmaan jin*, betulkah begitu?
2. Kalau jalan membawa hajat, kononnya *ular yang melintas di depannya itu memberi alamat*. Apa anda fikir tentang kepercayaan itu?
3. Tahukah anda apa alamatnya kalau rumah dimasuki ular?

(3) *Pantang seseorang gadis ditunangkan jika ia ada kakak yang belum di lamar orang.*

Kononnya: jika gadis itu ditunangkan dan dinikahkan melangkaui (mendahului) kakaknya, pasangan suami isteri itu akan ditimpa bermacam-macam bencana kerana tulah kakak-kakanya. Jika pantang itu dilanggar, suami si adik kena **dam** - membayar *langkah bendul*.

□ soal:

4. Apa yang anda tahu mengenai pantang ini?
5. Benarkah kakak-kakak bertulah, sehingga boleh membawa bencana kepada adik yang melanggar pantang?
6. Apa **dam** (denda) yang dikenakan kepa suami adik?
7. Apa yang anda tahu berkenaan dengan *langkah bendul* itu?
8. Apa bedanya *langkah bendul* zaman dulu dengan yang sekarang?

- **dalam masa bertunang:**

Kononnya: orang yang sedang bertunang itu wangi tubuhnya, manis darahnya dan lemah jiwanya. keadaan demikian sangat digemari makhluk ghaib - hantu, jembalang, kelembai, pontianak dan sebagainya. Dalam keadaan demikian mereka mudah kerasukan, mudah kesampukan oleh makhluk ghaib, dan diserang *penyakit mistri* yang boleh membantutkan perkahwinan mereka.

Untuk menyelamatkan pertunangan itu, maka:

(4) *Dipantangkan mereka bertunang lama-lama.. terlalu lama.*

[jika persiapan belum cukup mereka dinikah-gantungkan dengan *maskahwin hutang* dan *wang belanja dihantar kemudian*].

soal:

9. Benarkah *bertunang lama-lama* akan diganggu makhluk ghaib?
10. Macam mana yang dikatakan *nikah gantung* itu.
11. Apa kepercayaan orang berkenaan dengan *maskahwin hutang*?

(5) *Dalam masa bertunang, yang lelaki dipantangkan pergi jauh-jauh.*

soal:

12. Mengapa lelaki yang sedang bertunang *dipantangkan pergi jauh*?

(6) *Menjelang majlis pernikahan, mereka yang bertunang dipantangkan makan rojak dan makanan berkuah.*

Kononnya: kalau mereka tidak pantang, pada hari *kerja kahwin* mereka, hujan akan turun mencurah dan banjir, akan menghalang majlis perkahwinan itu.

soal:

13. Apa pendapat anda mengenai *pantang* itu?
14. Apa yang dilakukan ibu bapa pengantin untuk menolak hujan itu.

